

Broj: 92/24

Datum: 12.06.2024. godine

## JAVNI POZIV

**za angažovanje eksperta/ice za provođenje usluge „Obuka za provođenje radionica na temu transgeneracijski prenos traume i izrada metodologije“, a u projektu: „Muški centar: Korak bliže ka transformaciji“, koji finansira lamaneh.**

### **CILJ PROJEKTA:**

Opšti cilj projekta je poboljšanje sigurnosti i dobrobiti žena i djece u riziku od nasilja i stvaranje sigurnijeg i pravednijeg društva u Bosni i Hercegovini.

U okviru Rezultata 2 - Povećana svijest zajednice i preventivne aktivnosti dovode do sigurnijeg okruženja svjesnog nasilja, planirane su radionice sa učenicima sa ciljem povećanja otpornosti na transgeneracijski prenos traume, njegovo prepoznavanje, ali i reagovanje na istu.

S tim u vezi u okviru ovog Javnog poziva angažuje se:

**Pozicija:** Ekspert/ekspertica

**Mjesto izvođenja:** Modriča

### **POZADINA PROBLEMA:**

Uprkos značajnim naporima različitih vladinih i nevladinih aktera da se pozabave nasiljem nad ženama i nasiljem u porodici, skoro svaka druga žena u BiH je doživjela neki oblik zlostavljanja uključujući nasilje od intimnog partnera, nepartnersko nasilje, uhođenje i seksualno uznemiravanje od svoje 15. godine. Muškarci u bh. društvu suočavaju se sa različitim izazovima: teškom ekonomskom situacijom, rasprostranjenim sindromima posttraumatskog stresnog poremećaja (PTSP) i visokim stopama nezaposlenosti. Svaki od ovih faktora može imati fatalne posljedice u porodici. Često su suočeni sa očekivanjima da izdržavaju svoje porodice i da budu ojačani u skladu sa patrijarhalnim standardima "pravog muškarca". Provedeći rodno transformativne radionice u protekle tri godine došli smo do zaključka da veliki broj "loših" ponašanja u porodici dolazi iz pogrešnih obrazaca ponašanja koji se prenose generacijama unazad i na čijem osvještavanju na žalost niko nije radio. Uzimajući u obzir da su i mlađe generacije ubjeđene da je ženi mjesto u kuhinji, ne možemo, a da ne dođemo do zaključka da je takvo mišljenje nasljeđeno od starijih članova porodice. S tim u vezi jedno od rješenja problema nasilja u porodici jeste rad sa mlađim generacijama na povećanju otpornosti na transgeneracijski prenos traume, njegovo prepoznavanje, ali i reagovanje na istu.

### **OPIS ZADATKA:**

Od eksperta/ice se očekuje da:





- Izradi metodologiju rada za provođenje radionica na temu transgeneracijski prenos traume. Radionice će se provoditi sa djecom osnovnoškolskog uzrasta i odvijati se kroz četiri modula, nakon čega će se vršiti evaluacija programa.
- Održi tri dvodnevne obuke za osoblje UG „Budućnost“ koji će provoditi gorepomenute radionice u osnovnim školama.

#### **ROK ZA ZAVRŠETAK POSLOVA:**

Do kraja 2024. godine

#### **KO SE MOŽE PRIJAVITI NA POZIV?**

Na javni poziv se mogu prijaviti fizička lica, agencije/organizacije ili firme

#### **KVALIFIKACIJE I VJEŠTINE:**

- Univerzitetsko obrazovanje u oblasti društvenih nauka
- Iskustvo u traženim poslovima i upravljanju dinamikom rada u grupi;

#### **OPŠTE I POSEBNO PROFESIONALNO ISKUSTVO:**

Najmanje 7 godina profesionalnog iskustva u oblasti.

#### **DOKUMENTACIJA NEOPHODNA ZA PRIJAVU NA POZIV:**

- Biografija
- Prijedlog budžeta (budžet razdvojiti na dvije stavke: izrada metodologije i provođenje tri dvodnevne obuke)

#### **NAČIN DOSTAVLJANJA PONUDE:**

Ponuda se može dostaviti u elektronskoj formi na e-mail adresu: [buducnost-md@yahoo.com](mailto:buducnost-md@yahoo.com) ili poštom na adresu UG „Budućnost“, ul. Živojina Mišića 4a, 74480 Modriča. Bilo kojim putem da su dostavljene, moraju biti zaprimljene najkasnije do 28.06.2024. godine (do 11.00 sati). Nepotpune i neblagovremene prijave neće biti razmatrane.

NARUČILAC:

*Gordana*  
Gordana Vidović

Direktorica

UG „Budućnost“

